

**Nwa' wvù Baul to saᅇε ê kentaashε  
ke  
Efesus  
Fiεε fi nu ê Nwa' wvu Efesus  
wvun e**

Nwa' wvun to saᅇ Baul, waa ntum Jisos fô bonyii bo mbee le bo ê kelaante kè Efesus e. Ekole ke fiεε le fi nu ê ᅇwa' wvun e nu nseyse wvù Nyo' to seyseε le wen nu ke ebaance mwεem mvunciim mvu fowe bô mvu fokuse egεε ê Jisos ekuse. Baul nu ε nele no fi to ghanεε ε bonyii se no nu yî kentaashε le bô bo Nyo'. Wvù nu ε duᅇce no Nyo' Tata to cawεε bonyii bew, læshε bibefε bibole fele yî Jisos Klistu wvù Waa we le, bô no wvù to geε nciise we yî bó le wvù è nu Keyoy ke Yuule. Wvù nu ε duᅇce jé le jé le no kentaashε ke bonyii bo Nyo' le nu wee mwaan yî Klistu le.

*Bikuu bi mwεem e ê ᅇwa' wvun e*

1:1-2 Keᅇkεwce

1:3-3:21 Ntaᅇ wvù Nyo' to keᅇke fô Klistu le noo  
fô kentaashε ke bonyii bo mbee le

4:1-6:20 Nshii bonyii bo Klistu le wvu fwe

6:21-24 Kemεse

<sup>1</sup> ε nu me wvù Baul, waa ntum Klistu Jisos yî ᅇkoᅇ wvù wvu Nyo' le.

Me nsaanke ᅇwa' wvun fô bonyii bò è nu bo Nyo' le bo Efesus bò leeme yî fiεε le fimwaan yî Klistu Jisos e.

<sup>2</sup> Nyo' Icee wesebeene bô Tata Jisos Klistu ebuw ben, ebvuu enya ben bô nyεkeey.

*Mbuwma wvù fici biyoy bi bonyii bô nu ε taashε yî Klistu le*

<sup>3</sup> Mbense enù fô Nyo' wvù è nu Nyo' wvu Tata wesebeene wvù Jisos Klistu, bvuu nu Ice le. Wvú nu ε buw beene bô mbuwma tfuu wvu woŋ wvu we le wvù fici biyoy bisεεbeene njefo beene nu ε taashε yî Klistu le. <sup>4</sup> ε Nyo' sε keenu keebom woŋ nu ε wvú to caw wase beene le beene etaashε beene bo Klistu, eyuule, nu sε nlom ê wvú εjise. Yî keŋkoŋεn kew e, <sup>5</sup> nu ε wvú to seyse wase keeke ejo beene le è nu boom bew fele yî Jisos Klistu le. Wvú to ge nonεn, bii fiεε fi wvú to gomte le fí enù le. <sup>6</sup> ε è to nu wvu le mbense egeŋè ê wvú yî mbuwma we wvu baay wvù wvú nu ε nya ê beene εcici fele yî Waa we wvù nu fitele fiew e. <sup>7</sup> Wvú to sum beene can ηgew e ε è nu bô ελεμε ke Waa we wvun e. Fi nu le, wvú nu ε leεshε bibefe bisεεbeene, bii mbuwma we wvù kuuke naa baay e, <sup>8</sup> wvù wvú tfuwεε lo yî yese beene le. Wvú to ge nonεn bô bvufee bvucii noo ηkpawawce we tfuu. <sup>9</sup> Nyo' nu ε ge wase beene ε kiεε fiεε fi wvú gomte fi to shee nu ê kenyile le. Wvú ge bii fiεε fi jee wvú le no wvú to seyσεε keeke ege fele yî Klistu le. <sup>10</sup> Wvú to seyse le kefew nu ke edioo ε to wase ε kocεn é wen ebaance mwεεm mvunciim keŋεε è nu mvu fowe, keŋεε mvu fokuse, egeεε ê Jisos ekuse. <sup>11</sup> ε nu ten nje Klistu wvù Nyo' to

---

**1:3** 2:6; 2Kol 1:3    **1:4** 5:27; Jon 15:16; 17:24; 2Tes 2:13    **1:5** Jon 1:12    **1:6** Mat 3:17; Lum 5:2; Kolo 1:13    **1:7** Kolo 1:13-14; Efε 2:13; Lum 3:25-26; Kolo 1:20; 1Jon 5:7; Efε 2:7    **1:9** 1:22; Kolo 1:16, 20    **1:11** 1:4; Lum 8:28-29

cawεε bese keenu bonyii bew. Wvú to caw no wvú to seysεε wase ε è bεε lo bii ηkpawawce wvuwe le ke ληληη no wvú ké no gee mwεεm mwew mvunciim bii ntaη wvuwe bô ηkoη wvuwe le. <sup>12</sup> Fí to nu nonεη, wvu λε bese bô to nu bonyii bo fwe keεεε bvufee yî Klistu le ke eceè nce wvù egeè ε bvukukε bvu Nyo' le yen'yi, ε mbense gene ê wvú. <sup>13</sup> Ben ten to nu ε taashε yî Klistu le seke ben to yuweε diεw yi keceεy yi è nu saaka wvù jee wvù to toε bô mboyma fô ben e. No ben yuweε nonεη, mum lese fitele yî Klistu le, ε Nyo' ge nciise we yî yene le wvù è nu Keyoy ke Yuule kè wvú to kawεε bonyii dvú. <sup>14</sup> Keyoy ke Yuule kin nu ketfunj ke bvushεw bvù beene nu ke ekeηke le. Ε beene nu ke ekeηke seke Nyo' ε mεse ε sum bonyii bô è keηke wvú yî ηγεw kebefε le. Nonεη, é bvukukε bwew eyen'yi ε mbense gene ê wvú.

*Ε Baul nya keyoone ê Nyo' fô bonyii bo Efesus e*

<sup>15</sup> Me nu ε n'yuw wase ekumε fitele fi ben nu ε lese yî Tata Jisos e, noo keηkoηεη kè ben keηke fô bonyii bocii bô è nu bo Nyo' le. Ε nεε fiεε fi ge, <sup>16</sup> é me ηké ndioo mbunlee no ηkumyi ben ê bunle yεm e. Me ηke mbaa enlu wase keenyaa keyoone ê Nyo' ekumε ben ke. <sup>17</sup> Me mbunlee λε Nyo' wvù nu wvu Tata wesebeene wvù Jisos Klistu, Nyo' wvù nu Icee bvukukε, enya ben bô keyoy ke bvufee le, eyene ejise eyene é ben ekiεε wvú ntaη. <sup>18</sup> Me mbvuu mbunlee λε wvú eyuuse bvufee bvunεη é ben ekiεε fiεε fi ben taale fwe yî dvú le, fi è nu fi bó

to teŋεε ben nje fí, ebvuu ekiεε bvukukε bvυ baay bvυ bvushεw bvυ bonyii bò è nu bo Nyo' le. <sup>19</sup> Ε me mbvuu mbunlee le Nyo' eyene bvufee bvunεn é ben ekiεε mvunɣay mwew mvù fele mvunɣay mvunciim. Ε nu mvunɣay mvun mvù wvú lemte dvú fô beene bò nu ε lese fitele yî ye le, ε è nu mvunɣay mvυ baay. <sup>20</sup> Ε è nu mvunɣay mvudvu mvun mvù wvú to lemεε dvú bvuse Klistu yî kpwe le, bense wvú shike ê εbo kew ke εcεεy e woŋ wvu we le. <sup>21</sup> Klistu kuuke fele naa lo mwεεm mvù saake fowe mvunciim noo bvunfon noo mvunɣay noo bvukukε bvucii. Wvú bvuu keŋke diee dî kuuke fele naa lo εdiee εcii yò bó teŋε bonyii dvú. Kε wvú nu nonεn ε è nu kε yî kefew kin e maan kε. Wvú nu ke enu kε nonεn kefew kè too le. <sup>22</sup> Nyo' nu ε γεε mwεεm mvunciim ê wvú ekuse, ε bvuu ε γεε wvú le wvú enù ekole ke fiεε ficii fi kentaashe ke bonyii bo mbee le. <sup>23</sup> Kentaashe ke bonyii bo mbee le kin nu ye Klistu. Klistu ε mum ε yiŋsεn yî kentaashe kin e kí ε kocεn, ε è nu wvú wvù gee ε mwεεm mvunciim yiŋsene kocine ê jé le yicii.

## 2

*Nyo' to nu ε taashe beene bo Klistu bvuse yî kpwe le*

<sup>1</sup> Ε to nu fwele, ε ben nu bonyii bò nu ε kpwe wase ê keyoy e nje bojay bonεn bô bibefe, <sup>2</sup> bì ben

---

**1:19** 2Kol 13:4; Kolo 2:12      **1:20** Lem 2:33; Kolo 3:1      **1:21**  
6:12; Lum 8:38; Gal 4:8-9; Kolo 1:13, 16, 20; 2:9-10, 15, 20      **1:22**  
1:10; 4:15; 5:23; Mben 8:6; Kolo 1:18; 2:19      **1:23** 2:16; 4:1-16, 25;  
5:30; 1Kol 12:4-11, 27; Kolo 2:19; 2:14, 18; 4:1-6; Kolo 3:15; 3:19; 4:10  
**2:1** 2:5      **2:2** 6:12; Jon 12:31; 14:30; Lem 26:18; 1Jon 2:16

to cee gee le. Ben to cee bii ε è nu je yì bonyii bo yì wonj wvun e cee, bvuu bii nfon mvunḡay mvu yì fwefwe le. Ε nu wvú keyoy kekíε kè lemte keseen yì bonyii bò temyi bikuu bô bo Nyo' le. <sup>3</sup> Ε nu κε τεν no beene bocii to shee cee. Beene to cee gee mwεεm mvù nyam ye yì ηεyte shieele, bii mwεεm mvù nyam ye bô bonḡpawawce bosεεbeene gomte λε beene egeè. Beene diεwε bonyii bo boyuum to nu wase lo bonyii bò shém effuuke Nyo' bô bó, κε ληνληη diεwε no wee wvu wum tfuu nu. <sup>4</sup> Geenεn Nyo' wvù nu ε yiηsen bô shen fô beene le to nu ε koη beene baay, <sup>5</sup> taashε beene bo Klistu bvuse yì kpwe le no beene to nu ε kpweken wase nje bojay bosεεbeene. Nyo' to boyse ben ε è nu nje fitele fiew fi jee. <sup>6</sup> No wvú to taashεε beene ε bo Klistu Jisos bvuse yì kpwe le nonεn, mum bense beene shike beene ε bó wonj wvu we le. <sup>7</sup> Wvú to ge nonεn wvu λε é ke edioo enu yì kefew kè too le, é wvú eduηce mbuwma we wvu baay wvù è nulo wee saa efewsεn κε. Mbuwma wvun nu ε wvú ε duηce wase ê beene nje fitele fiew fi jee fele yì Klistu Jisos e. <sup>8</sup> Ben ekeè λε Nyo' to boyse ben ε è nu nje fitele fiew fi jee fele yì fitele fi ben to leseε yì Klistu le. Ke fifin nu ε è to ge ben κε. Ε nu nnya Nyo'. <sup>9</sup> Ke è to nu nje lemme dimew di wee to lemεε se κεηκε wvu λε wee mvu ke enε esaale ye κε. <sup>10</sup> Fiεε fi nu, nu λε beene nu no bó nu nεn, ε è lem Nyo' bô εbo kew. Wvú nu ε taashε beene bo Klistu Jisos ε ge beene ε no nu

**2:3** 5:6, 8; Lum 1:28; Kolo 3:6      **2:4** Lum 8:39; 9:16; Jem 5:11

**2:5** 2:8; Lum 3:24; 6:13; Kolo 2:12-13      **2:6** 1:3; Kolo 2:12; 3:1

**2:7** 1:7; Lum 5:20      **2:8** Mat 20:15; Jon 4:10; Lem 15:11; Gal 2:16

**2:9** Lum 3:28; 1Kol 1:31; 2Tim 1:9; Tay 3:5      **2:10** Tay 2:14

bonyii bo bofe, wvu le beene elemtè dilemme di jee di wvú to seysεε wase ε è bεε lo le è nu di beene nu ke ecee lemte le.

*Dikfuu di difεε nu wase wee mwaan yî Klistu le*

<sup>11</sup> Ben bonyii bò yaa nu ke kfuú di Bojuu le, ben ekumyî fiεε fi ben to shee nu fwele. Bojuu bò teje bikuu bibole le bowen nu bonyii bò bó nu ε tfuse yew, to teje ben le ben nu bonyii bò nu ntffuse. Ε ntfuse wvu yew wvun nu fiεε ε bó gee ke ε è nu yî ye wee le bô can. <sup>12</sup> Ben ekumyî le è to nu sekekiε, ε ben yaa keηke fiεε keege bô Klistu ke. Ke ben to nu ente jo ηηgokε ke bonyii bo Nyo' le bò è nu bo Islael ke. Ke ben to keηke fiεε keege bô monkan mo ηkawma le mò Nyo' to gbwole bô bó ke. Ben to nu ke lo finen yî nshε le fen yaa keηke fiεε fimew fi ben taale fwe yî dvú le ke, yaa kee ten Nyo' ke. <sup>13</sup> Geenεn, yî keseen e no ben nu ε taashε wase ben ε bo Klistu Jisos, ben bò to shee nu ncejole fô Nyo' le, nu ε wvú ε jo wase ben ε to dvú nceencee fô wvú le fele yî ελεμε ke Klistu le. <sup>14</sup> Ε nu wvú wvú Klistu kebεε wvú nu ε to bô nyεkeey fô beene le. Wvú nu ε ge wase Bojuu bô bonyii bò yaa nu ke Bojuu ε tu wee mwaan. Wvú nu ε bvusse kembew ke keηgawsen e kè è nu kembanεn kè se shee nu ê beene entelen. <sup>15</sup> Wvú nu ε nya ye ye ε kpwe keefiwse nci bô mwεεm mvù nci duu le bó egeè keenu bonyii bo Nyo' le. Wvú ge nonεn wvu le wen etaashε wee tfuu yî ye le é bó etu wase wee mwaan

---

**2:11** Lum 11:17    **2:11** 5:8; Gal 5:6; Fili 3:3    **2:12** Lum 9:4; 1Kol 15:19; Kolo 1:21-22; 1Tes 4:13; 2:19    **2:13** 2:17; 3:6; 1:7; Gal 1:4    **2:14** 2:16; 4:3; Kolo 1:20; 1:23; Lum 10:12; 1Kol 12:13; Gal 3:28    **2:15** 2Kol 5:17; Kolo 2:14

wvu fwε yî bvudvuu bvυ bonyii bo bofεε le. No wvú ge nonεn, ε mum ε to bô nyεkeey. <sup>16</sup> Kpwe ye yî kentam e nu ε taashε dikfuu di difεε ε to dvú fô Nyo' le yî ye le yimiaaη, ε mum ε yu kembanεn kebole yî kentam e kí ε ka. <sup>17</sup> Wvú to nu ε to fewcε saaka wvù too bô nyεkeey ê ben bô to nu ncejole, fewcε tεn saaka wvudvu wvun ê bonyii bô to nu nceencee. <sup>18</sup> ε ge wvú beene bocii ε se κεηκε je keeto fô Nyo' Ice le fele yî Keyoy e kemwaan. <sup>19</sup> Nonεn, κε ben bεε botolo κεnεε bonyii bô bεke lo κε. Ben nu wase boom bo won e ben ε bonyii bô è nu bo Nyo' le, nu tεn bonyii bo yew e bo Nyo' le. <sup>20</sup> ε yew yin nu ε bó bom yî kenffuy kè è nu boom bo ntum e bo Jisos e bô bonyii bô teete bontum bo Nyo' le, ε Klistu Jisos kebεε nu tε di buu di yew yidvu le. <sup>21</sup> ε nu yî ye le wvù yew yidvu nu ε taashε ε no kuu keeke eto enu yew yì yuule fô Tata le. <sup>22</sup> Ben tεn nu ε taashe ε yoo yî Klistu le, ε no nu bvudvuu bvù Nyo' cee fó ê Keyoy kew e.

### 3

*Baul nu wee nfewcε fô bonyii bô yaa nu κε Bojuu le*

<sup>1</sup> No Nyo' nu ε ge wase mwεεm mvun fô ben e nonεn, me ε mum ε no mbunlee fô ben e. Me wvù Baul nu yî ncaw e nje saaka wvu εκumε Klistu Jisos. ε me nlemte ncaw wvun nje yene ben bonyii bô yaa nu κε Bojuu. <sup>2</sup> Me ηkpwaake le ben nu ε yuw

**2:16** 1:23; Lum 5:10; Kolo 1:20-22    **2:17** Yεsa 57:18-19; Lem 2:39

**2:18** 3:12; Lum 5:2    **2:19** 2:12; 3:6; Ibu 12:22-23    **2:20** Mat 16:18; 1Kol 3:10-11; Mwm 21:14    **2:21** 1Kol 3:16    **2:22** 1Bi 2:5

**3:1** Kolo 1:25    **3:1** 4:1; Fili 1:7; Kolo 4:18; Flm 1, 9

wase no Nyo' to nu ε caw me nya lemme le me ensee ê ben ekumε mbuwma we fô ben e. <sup>3</sup> Fiεε fidvu fin nu fi to shee nu ê kenyilε le ε Nyo' ε yene wase εjisε eyεm me ε n'yεn. Me nu ε nsan wase caan ekumε fí fô ben e. <sup>4</sup> E ben tan lo, é ben eyεn fiεε fi me ηkee ekumε kenyilε kin kè to nu ekumε Klistu le. <sup>5</sup> E to nu fwele ε bó fanε yaa ege é εngokε ke bonyii le ke sekekiε ekiεε kenyilε kedvu kε. Keseen nu ε Keyoy ke Yuule ε dunçε wase ê boom bo ntum e bo Jisos e bò wvú to balεε le è nu bew noo ê bonyii bò teete bontum bo Nyo' le, bó ε kiεε. <sup>6</sup> Fiεε fidvu fin nu le bonyii bò yaa nu kε Bojuu nulo ebee saaka wvù jee le, é Nyo' enya tεn bó bô bvushεw bvù wvú nu ε gεε ê bonyii bew. Bó nu wase ye yimiaaη bô bó, ε ηkawma wvù Nyo' to geε fô Bojuu le nu wase tεn fô bó le no bó nu ε taashε bô bo Klistu Jisos.

<sup>7</sup> Nyo' to nu ε baa me le me enfewcì saaka we wvù jee wvun. Wvú to bale nje fitele fiew fi jee fi wvù kenke fô me le. Wvú to nu ε jo mvunçay mwew lem dvú yí yεm e mum nya lemme din le me enlemtè. <sup>8</sup> Me mbaa ncim mbuy naa lo wee wvu caan ηgoo bonyii bò è nu bo Nyo' le kε. Geenεn Nyo' to nu ε nya kε mbuwma wvun ê me le me ençεn enfewçε saaka wvu ekumε bvukukε bvu Klistu le bvù yaa kenke ke kenfewsεn ê bonyii bò yaa nu kε Bojuu le. <sup>9</sup> Wvú to nya tεn mbuwma wvun le me ençe é bonyii bocii ekiεε ntaη kenyilε ke fiεε le kè Nyo' wvù bomεε mwεεm mvunciim to shee nyile yí ye le bilum e bilum e. <sup>10</sup> Ntaη wvun to nu le è nu ke

---

**3:3** 3:6    **3:4** Lum 16:24; 2Kol 11:6    **3:5** Kolo 1:26    **3:6** 1:9-10; 2:13-14, 18-19; 3:9-11; Lum 16:25; Kolo 1:26-27    **3:8** 1Kol 15:8-10; Gal 1:13-16; Fili 3:6-8; 1Tim 1:12-16    **3:9** 1:4    **3:10** 1:21, 23



enu kefew ke keseen e, é Nyo' ege fele yî kentaashe ke bonyii bo mbee le, é bonceendaa bo Nyo' le bô biyoy bì keŋke mvungay saake mondvuum mo fowe le, eyen bvufee bvú Nyo' le bvù nu lo jé le jé le. <sup>11</sup> Wvú to ge fiεε fin bii no wvú to seysεε wase foŋkew. E wvú ε ge wase fiεε fidvu fele yî Klistu Jisos wvú Tata wesebeene le. <sup>12</sup> E nu nje ye wvù beene nu ε keŋke je keetoo mbew Nyo' le yaa keŋke ke nfan kenεε kemaŋen nje fitele fi beene lese yî ye le. <sup>13</sup> No fi nu nonen, me ε mum ε no ŋkule lo can le fo shem kpwe ben nje ŋεw wvù me n'yene fô ben e ke. Ben nu ke ekeŋke bvujonke bvudvu.

*E Baul bunle fô bonyii bo Efesus e*

<sup>14</sup> E nu nje mwεem mvun wvù me ntumte envuw ê Icee wesebeene fwe, <sup>15</sup> wvù ediee ε dikfuu dicii di fowe noo di fokuse nen'yi fô wvú le. <sup>16</sup> Me ntumte envuw nleke le, bii bvukuke bwew bvù è nu bvú baay e, le wvú enya ben bô mvungay fele yî Keyoy kew e, é mvú ege é mvuntelem mvunen etemyi. <sup>17</sup> Nonen, é Klistu emum ecee ê mvuntelem mvunen e no ben leese fitele yî ye le. Me mbunlee ten le keŋkonen kenen etemyi diεwε kete kè cime geŋ e noo diεwε yew yì bó bom yî kenffuy kè temyi le, <sup>18</sup> wvu le ben ε bonyii bocii bô è nu bo Nyo' le ekeŋke bvufee bvù è nulo é ben ekiεε keŋkonen ke Klistu le kè nu fô beene le. Keŋkonen kew fô beene le nu ε kí keŋke mbvuw baay, keŋke bvundee bô bvudefe baay, ε kí ε ley ten fokuse baay. <sup>19</sup> Me mbunlee le è nulo é ben ekiεε keŋkonen kew kedvu

**3:12** Lum 5:2; Ibu 4:16; 10:19    **3:13** Kolo 1:24    **3:14** 6:18-19

**3:16** Kolo 1:11    **3:17** Jon 14:23; Efe 5:2; Kolo 1:23; 2:7    **3:18**  
Kolo 2:2    **3:19** 1:23; 5:2, 25; 2Kol 5:14; Kolo 2:9-10

kè ghaake bonyii keekiεε le, wvu ε ben nulo enu ε ben ε yinşen bô fiεε fi Nyo' nu fí ficii. <sup>20</sup> Beene emum ebenseè Nyo'. Ε nu wvú wvù nulo ege fiεε ficii bô mvunğay mvù lemte yî yese beene le. Ε wvú nulo ege naa efey lo no beene biite kenεε no beene nulo ekpwawcε. <sup>21</sup> Mbense enù fô wvú le nje kentaashε ke bonyii bo mbee le noo nje Klistu Jisos yî kefew e kecii noo sekecii σε ηka. Fí enù nonen.

## 4

### *Bonyii bo Klistu le enù yî kentaashε le*

<sup>1</sup> Nonen, me wvù Baul wvù nu wee ncaw nje saaka wvu εκumε Tata Jisos, me nλεke lo ben λε ben eceè nce wvù nu ε kocεn wvù Nyo' tenεε ben λε ben eceè yî dvú le. <sup>2</sup> Ben eshiwsè bikuu binεn, nù wεε, kuulè shém. Ben enù yî kenκonεn e, yaa kenke fitele fi σεsene κε. <sup>3</sup> Ben emomtè naa ntay keenu κε yî kentaashε kè Keyoy ke Yuule nu ε to dvú fô ben e no ben cee yî nyεkeey wvù taashi bonyii le. <sup>4</sup> Ye Klistu nu yimiaaη, ε Keyoy ke Yuule nu kemwaaη. Ε nu κε lenλεη no fiεε fi Nyo' to tenεε beene λε beene etaalè fwe yî dvú le nu ten fimwaaη. <sup>5</sup> Tata nu κε mwaanη, ε mbee nu κε mwaanη, ε nlese wvù bó leese bonyii ê joo nu κε mwaanη. <sup>6</sup> Nyo' nu κε mwaanη wvù nu Icee wesebeene bocii. Wvú nu ê we jo mwεεm mvunciim, lemte yî beene le bocii, nu ten ente jo beene bocii. <sup>7</sup> Fí nu ten λε Klistu nu ε buw κε wee mwaanη mwaanη beene le ε nya wvú bô ye nnya bii

---

**3:20** Kolo 1:29    **4:1** 3:1    **4:2** 5:2; Kolo 3:12-13    **4:2** Lum 8:13; Gal 6:8; Kolo 3:9    **4:3** 2:14-16; Kolo 3:14-15    **4:4** 1:23; 2:18    **4:5** Jon 10:16; 1Kol 8:6; Mat 28:19; Lum 6:3-4    **4:6** 1Kol 12:6    **4:7** Lum 12:3, 6; 1Kol 12:11

nfew we le ê mwεten. <sup>8</sup> Ε nεε fιεε fi bó nu ε sanj ê Njwa' Nyo' le ε,

“Seke wvú to benεε γεν we,

wvú to nu ε ge ε bonyii bò wvú to kooyεε no bii wvú le.

Wvú to nu ε nya nnya ê bonyii.”

<sup>9</sup> Keegay ε, “Wvú to nu ε ben γεν we” nu ε la? Fí dunji ε wvú to nu ε yaw shii γεν ekuse jo nshε.

\* <sup>10</sup> Nonεn, wvú wvudvu wvú to shiileε to fokuse nu ke ten wvú wvú to benεε fey naa lo εbulε kecii γεν ê we, wvu ε wen eyiηsen mwεem mvunciim é mvú eyiηsen ekocεn. <sup>11</sup> Ε nu ke wvú wvú to nyaε nnyá ê bonyii. Wvú to nu ε nya ê bomew

ε bó enú boom bew bo ntum e, nya ê bomew bò esenè mwεem mvú bó yuuke ε Nyo' jemyi, bomew bò eghanè fewci saaka wvú jee wvú wvu Nyo', bomew bò etaalè fô kentaashε ke bonyii bo mbee le bvuu γεγι bonyii. <sup>12</sup> Wvú to nya nnyá yidvu yin keeseysel bonyii bò è nu bo Nyo' le dvú é bó ekpwεten bò elemte lemme diew, yote ye Klistu yì è nu kentaashε ke bonyii bo mbee le, <sup>13</sup> ke eγεν ebuy kefew kè beene bocii ke enu wase wee mwaan yí mbee wesebeene le bô yí fιεε fi beene kee ekumε Waa Nyo' le. Ε beene cee nonεn, é fí ege é beene enu ε bó ε taw ε kocεn ε mεse ε no nu wase no Klistu nu kebεε. <sup>14</sup> Nonεn, beene saa ebvuu enu ke diεwε boom bo caan e, bò kfuu n'γεγι wvú la dīoo fele no njiηsene bô bó ε bó gene fwe tuu jim ke diεwε fιεε fò fwefwe kale le ke. Beene saa ebvuu

---

**4:8** Mben 68:18    **4:9** Jon 3:13    \* **4:9** Kεnεε le, wvú to nu ε yaw shii to fokuse fen.    **4:10** 1:23    **4:11** 1Kol 12:28    **4:12** 1Kol 14:26    **4:13** Kolo 1:28    **4:14** 1Kol 14:20; Ibu 5:13-14; Jem 1:6

enu tən diewe bonyii bō bonyii bō ghane wεentene lo elεele bó bō mbiay yì bó seyse le κε. <sup>15</sup> Beene keηke keeseηe fiεεbeene ε è nu keceey yî keηkoηen e, emum ekuu ê jé le yicii keeto enu diewe Klistu le wvù nu ekole kesεbeene. <sup>16</sup> Ε nu wvù wvù gee ε biba bi ye ye le bicii bì nu ε shfuwyε ε taashε yî ye le se kuu, yooote ye ye yî keηkoηen e no keba lemte diew lemme ε keba lemte diew ntay.

*Nce wvu yvum bō wvu fwe*

<sup>17</sup> Yî keseen e, ê diee di Tata le nu ε me ηgomte keηγay embvuu enciise lo ê ben le fo ben ebvuu eceè κε diewe bonyii bō maa Nyo' le κε. Boηkpawce bobole ké no nu κε bo εcici. <sup>18</sup> Bvufee bvubole nu bvυ binjiwe le. Bó nu ncejole fō nce wvù Nyo' duηci le, njefo bó nu ε ma lo Nyo', ε è nu nje bó temyi bikuu. <sup>19</sup> Bó nu ε yum bikuu baay. Bó nu ε lese bikuu bibole ente jo nnyen kenjan, ε ye yibo yvuwse κε keegeε dikfuu di nnyen e dicii. <sup>20</sup> Ke fifin nu fiεε fi bó to yeεyeε ben dvú ekume Klistu κε. <sup>21</sup> Me ηkee naa ntay le ben nu ε yuw wase ekume wvù, ε bó ε yeεyi wase ben bō nu ε taashε bō wvù bō keceey ke ekume Jisos. <sup>22</sup> Ben emum ebaa ye yi yvum yì ben to cee nce wvu yvum dvú yì nu ε befe wase nje mwεem mvu nnyen e mvù ben to shee gee. <sup>23</sup> Ben ecine é Nyo' eseyse boηkpawce bonen é bó enu boηkpawce bo bofe, <sup>24</sup> emum etfume ε è nu ye yi fiε yî yene le yì Nyo' nu ε ge yí ε no fiεsene wvù. Yiyin nu ye nce wvù looci nu keceey wvu teytey bō wvù yuule.

---

**4:15** 5:2    **4:15** 1:22    **4:16** 1:23; 2:21-22; 4:13, 25; Kolo 2:19  
**4:17** 5:8; Lum 1:21; 1Bi 1:14    **4:19** Kolo 3:5    **4:23** Lum 12:2  
**4:24** Keη 1:26-27; 2Kol 5:17; Kolo 3:10

25 Fí ε mum ε no nu λε, ben ecine mbiay e, é wee ejemyi ε è nu keceey ê waa bwee njefo beene bocii nu biba bi ye yimiaaj e. 26 E wee ton'yi shém, é wvú no yene fo wvú enε ege kebefε. Fo wvú ecine é diuu esele ε wvú bεε ton'yi shém κε. 27 Fo wvú enya je é dεwle eley jó κε. 28 E wee se coonke bvucou, é wvú cine dvú no lemte ε è nu lemme di jee bô can ye, wvu λε wvú nulo ekenke fiεε fi wvú efi ten bonyii bô fuute dvú. 29 Ben eyenè fo njeme wvú samte ebuyte dew yene le. Wee ejemyi fiεε ε è nu fi jee fi nulo eyoo lo bonyii naa fεε fò bó nu, wvu λε njeme we etoo ε è nu bô nfi fô bonyii bô yuuke le. 30 Fo ben egeè fiεε fi Keyoy ke Yuule ke Nyo' le eyuuke ηkuuη κε. Keyoy ke Yuule kin nu nciise Nyo' yî yene le keeduηce λε diuu nu ke edioo ε to ε kocen é wen emεse esum ben can ηgew e. 31 Ben elaj naa lo mvuntelem mvù cεwkene bô shém yî ffuuke noo shém yî ton'yεen noo waa noo keebeete bô εdiee ε bonyii noo mvuntelem mvù befe. 32 Ben ekenkè ε è nu kenge kè jee bô mvuntelem mvù jee fô wee noo wee le. Wee é ge kebefε bô wee, é wvú λεshε enya ê wvú κε ληληη no Nyo' to feyεε yî Klistu le λεshε binen bibεε.

## 5

### *Bonyii bo Klistu le eceè diεwε bonyii bo n'yuu le*

---

**4:25** 4:16; Saka 8:16-17; Kolo 3:8-9    **4:26** Jem 1:19-20    **4:28**  
 1Tes 4:11    **4:29** 5:4; Kolo 3:8; 4:6; Jem 3:10    **4:30** 1:13-14; Yεsa  
 63:10; Lum 8:23; Gal 5:25    **4:32** Mat 6:14; 18:22-35; Kolo 3:12-13

<sup>1</sup> No ben nu boom bo Nyo' le bò wvú koonke naa ntay, ben emum ebenenè wvú. <sup>2</sup> Ben eceè yí kenkonen e lenlen no Klistu to konεε beene nya ekole kew fô beene le. Nnya ye yin to nu ncese ε wvú samte shfuunjkene fô Nyo' le.

<sup>3</sup> Mwεem ke diεwe kenjan bô nce nnyen tfuu noo ken'yεε ejise yaa nu mvù bó eyuuke ekumε mvù ê ben entelen ke, njefo ke mvumvun nu mwεem mvù enù ê bonyii bò è nu bo Nyo' le ente ke. <sup>4</sup> Ke fi baa ekocen naa lo le njeme wvù nyene bô njeme keyun, noo yele di εcici ebuytè dew yene le ke. Ben enyaà ke ε è nu keyoone ê Nyo'.

<sup>5</sup> Ben ekeè lo keceey le ke wee wvù jaanke kenjan, kenεε wee wvù gee nnyen, kenεε wee wvù yeεle ejise, kenke kelen ente jo bvunfon bvu Klistu le noo bvu Nyo' le ke. Wee ken'yεε ejise ké no joo mwεem diεwe nyo' we le. <sup>6</sup> Fo ben ebee é wee eεε ben bô njeme wvu εcici ekumε mwεem mvun ke. Ben ekeè le è nu mwεem mvudvu mvun mvù ké ge ε shém Nyo' no ffuuke bô bonyii bò yaa yuuke wvú le ke. <sup>7</sup> Nonen fo ben etaashì ηgoo ben ε boba bonyii ke. <sup>8</sup> E to shee nu fwele ε ben nu bonyii bo ejiwe le. Geen en keseen no ben nu ε taashε ben ε bo Tata, nu ε ben nu wase bonyii bo n'yu le. Ben emum eceè diεwe bonyii bo n'yu le. <sup>9</sup> Fiεε fi n'yu ké no too dvú nu nce wvù jee bô wvu teyten noo wvù dunji keceey. <sup>10</sup> Ben emom keekiεε fiεε fi jee Tata

---

**5:1** Mat 5:48; 1Jon 3:1    **5:2** 3:17-18; 4:2, 15-16; 1Kol 8:1; 2Kol 5:14; Gal 6:10; Fili 2:2; Kolo 2:2; 3:14-15; Gal 1:4; Ibu 10:5-10    **5:3** Gal 5:19-21    **5:3** Kolo 3:5    **5:4** 4:29; Kolo 3:8    **5:5** Lum 5:17  
**5:6** Lum 1:18; Efe 2:3; Kolo 2:4, 8; 3:6    **5:8** 2:3, 11-12; 4:17-18, 22; Kolo 3:7; Tay 3:3; Jon 8:12; Kolo 1:13; 1Bi 2:9    **5:9** Gal 5:22-23  
**5:10** Lum 12:2; 1Tes 5:22

le. <sup>11</sup> Fo ben eleesè εbo fô mwεεm mvu εjiwε le κε. Ben ebvuusè lo mvú εmwα. <sup>12</sup> Ε nu naa lo fiεε fi κεη'wuumen e keejemyi εκumε mwεεm mvun mvù bonyii gee ê kenyilε le. <sup>13</sup> Geenεn ε fiεε ficii fi n'yuu baa yî dvú le ké no yen'yi ε bó yεne fi le, <sup>14</sup> njefo fiεε ficii fi yen'yi ké no nu n'yuu. Ε nεε fiεε fi γεε ε bó σε no gayte fiεε fimew λε,

“Wo wvù leete, kamse!

Buyε yî kpwe le, ε n'yuu Klistu ebaa yî yo le.”

<sup>15</sup> Nonεn ben emum elεnè tomyi εκαλε yî kemew e. Fo ben eceè diεwε biyuj e κε. Ben eceè ε è nu diεwε bonyii bò κεηκε bvufee le. <sup>16</sup> Seke ben κεηκε je keege fiεε, ε ben yεn λε fo kefew kedvu efey εcici κε, njefo εdiuw yo keseen nu ε kebefε nu εκfuη baay. <sup>17</sup> Nonεn fo ben enù biyuj κε. Ben emomtè keekiεε fiεε fi Tata koonke λε ben egeè. <sup>18</sup> Fo ben ewuù mbvuum ε mó koole ben κε. Fifin nu fiεε fi beete lo bô bonyii. Ben enù ε ben ε yiηsen ε è nu bô Keyoy ke Yuule. <sup>19</sup> Ben eyemtè bonkiee fô bikuu binεn e bò buyte ê Nwa' Mbense le, noo bonkiee bomew bo Mbense le, noo bò Keyoy ke Yuule nyaa ê ben e. Ben eyemtè nonεn bensee Tata ê mvuntelem mvunεn e. <sup>20</sup> Ben enyaà keyoone ê Nyo' Ice kefew e kecii bô yî fiεε le ficii fele yî diee di Tata wesebeene wvù Jisot Klistu le.

### *Ntefe ê bokεε bô bolemse*

**5:13** Jon 3:20-21      **5:14** Yεsa 26:19; 60:1; Lum 13:11; Jεm 5:8

**5:16** Kolo 4:5      **5:17** 1:17; Lum 12:2      **5:18** Bηgn 23:31-35; Lum 13:13      **5:19** Mben 33:2-3; Kolo 3:16-17; Ibu 13:15

21 Ben enya bikuu binen ê wee noo wee bii n'wvum wvù ben kenke fô Klistu le. 22 Ben boké' bo bonyii le, ben enya bikuu binen ê bole' bonen no ben nu ε nya ê Tata, 23 njefo diemsen nu ekole ke kpwoon e, ke no Klistu nu ekole ke kentaashe ke bonyii bo mbee le. Kentaashe kedvu nu ye ye, ε wvú keβεε nu wvù boysee kí. 24 Nonen boké' bo bonyii le kenke keenya bikuu bibole ê bole' bobole yî fiεε ficii le ke lenlen no kentaashe ke bonyii bo mbee le nu ε nya kew ekole ê Klistu. 25 Ben bolemse, ben ekoonkè boké' bonen ke lenlen no Klistu to koonεε kentaashe ke bonyii bo mbee le nya ekole kew, kpwe nje kí. 26 Wvú to nya ekole kew keege é kentaashe kedvu eyuule no wvú to cukεε kí bô joo noo diεw ye. 27 Wvú to seyse kentaashe ke bonyii bo mbee le kedvu nonen wvu le wvú ejo kí yî ye le diεwe kpwoon wvù fomte nu se nlom, nu lemeleme yaa kenke fiεε fimew fi befe ke, ε wvú yuule nu naa se fijay yî ye le. 28 ε nu ke lenlen no bolemse ten kenke keekoonkè boké' bobole ke no bó koonke yibo ye. ε wee koonke kpwase, tu wvú koonke ε è nu ekole kew. 29 Ke wee nu dvú wvù ké no bane ye ye ke. Wvú ké no nyanyi lo yí, bosene taale fô yí le ntay. ε nu ke lenlen no Klistu gee fô beene bô è nu kentaashe ke bonyii bo mbee le, 30 njefo beene nu biba bi ye ye le. 31 ε nu fiεε fi bó to sanεε ê Nwa' Nyo' le le,

---

**5:21** Kolo 3:18-4:1; 1Bi 2:18-3:7; 1Tim 2:1-13; Tay 2:1-10; 1Jon 2:12-17    **5:21** 1Bi 5:5    **5:22** Kolo 3:18; Tay 2:5; 1Bi 3:1    **5:22** 1Kol 14:34-35    **5:23** 1:22; 1Kol 11:3    **5:25** 1:23; Kolo 3:19; 1Bi 3:7    **5:25** 3:19    **5:26** Lum 6:3-4; Tay 3:5; Ibu 10:22    **5:27** 1:4; 2Kol 11:2; Fili 1:10; Kolo 1:22    **5:30** 1:23; 1Kol 12:27    **5:31** Kenj 2:24



“Ɛ nu nje fifin wvù diemsɛn nu ke ecinɛ ice bô  
bwee le,  
emum etaashɛ bô kpwɛse,  
é bô bofɛɛ emum etu wase wee mwaanɲ.”

<sup>32</sup> Fiɛɛ nyiime ɛnte jo njeme wvun ɛ fí kuuke  
baay, ɛ me n'yene fiem le fí jemyi ɛkumɛ Klistu  
bô kentaashɛ ke bonyii bo mbee le. <sup>33</sup> Naa no  
me nci njemyi nɛn, wee mwaanɲ mwaanɲ ben e  
kɛɲke keekoɲkè kpwɛse no wvù kooɲke ɛkolɛ kew,  
é kpwoon tɛn eyɛn le wen enyaà n'wvum ê dweese.

## 6

### *Ntefe ê boom bô bocee boom*

<sup>1</sup> Boom, ben eyuukè bo'icee bonɛn bô bobwee  
bonɛn e, njefo fifin nu fiɛɛ fi leɲ fi boom bô nu ɛ  
taashɛ wase bô bo Tata kɛɲke keegeɛ. <sup>2</sup> Nci Nyo'  
wvù gayte le,

“Ɛ wvumtè ico bô bwoo”,

nu nci wvu fwe wvù kɛɲke ɲkawma fô. <sup>3</sup> Ɛ ɲkawma  
wvudvu wvun nu le,

“Wee wvù gɛɛle nci wvun nu ke eyuw njoɲ,  
ebvu ece eɛn ncejole yî nshɛ le fɛn.”

<sup>4</sup> Bocee boom, fo ben egeè mwɛɛm mvù mvun-  
telem esaase boom bonɛn kɛ. Ben ekuusè lo bô ɛ  
bô kuu bô n'yɛyi noo ntefe wvù wvu Tata.

### *Ntefe ê bonfaw bô bonyii bô kɛɲke bó*

<sup>5</sup> Ben bô nu bonfaw, ben eyuukè bonyii bô kɛɲke  
ben yî nshɛ le fɛn e, ben efanè bó bvuu wvumtè  
bó. Ben eyuukè bó le bô mvuntelem mvunɛn  
mvunciim no ben yuuke Klistu le. <sup>6</sup> Fo ben egeè

---

**5:32** Mwm 19:7    **6:1** Kolo 3:20    **6:2** Dito 5:16    **6:4** Kolo  
3:21    **6:5** Kolo 3:22-25; 1Tim 6:1-2; Tay 2:9-10; 1Bi 2:18-21    **6:6**  
1Kol 7:22

nonɛn ke seke jise dibole nu yî yene le wvu le ye ejeè bó ke. Ben egeè ε è nu diεwε bonfaw bo Klistu le bò gee ε è nu fiεε fi Nyo' gomte bô mvuntelem mvubole mvunciim. <sup>7</sup> Ben dioo lemte bó le, no lemte bô njon ke diεwε ben lemte ε è nu Tata le, ε è yaa nu ke wee wvu wum e ke. <sup>8</sup> Ben elemtè, kumyi le fiεε fi jee ficii fi wee gee nu ε wvú nu ke ekeηke ten fiεε fi jee ê Tata, kenεε wvú nu nfwá kenεε wvú yaa nu ke.

<sup>9</sup> Ben bonyii bò keηke bonfaw, ben ekeηkè ten bó ê je yî jee le, yene fo ben ebεmseè bó. Ben ekumyi le ben ε bó bocii keηke Cee Ekole mwaanη fowe, ε fô wvú le nu ε jεy jεy yaa nu ke.

*Mwεεm mvu jem e mvù Nyo' nya ê beene*

<sup>10</sup> Keemεεse, me ε no ηgayte ê ben le ben eleemè temyi yî Tata le, eyeemè ε è nu yî mvunγay mwew mvu baay e. <sup>11</sup> Ben etfume mwεεm mvu jem e mvunciim ye le mvù Nyo' nya ê ben, wvu le ben nulo eleem etum jem ben ε bo dεwle ê jé yicii yî wvú wεentene jó le. <sup>12</sup> Ben ekeè le ke beene diuu ε è nu beene ε bo bonyii bo boyuum ke. Beene diuu ε è nu beene ε bo mwεεm mvunciim mvù keηke mvunγay bô bvukuke, saake won ejiwε wvun e, mvù è nu biyoy bì befe bicii bì nu mondvuum mo fowe le. <sup>13</sup> Nonɛn ben emum etfume mwεεm mvu jem e mvunciim mvù Nyo' nya ê ben, wvu le é ke edioo enu εdiuw yò befe le, é ben eleem eteme no ben nu ε ge wase fiεε ficii keeke eleeme temyi. <sup>14</sup> Nonɛn, ben emum eleemè temyi. Ben ejo keεεy

---

**6:8** 2Kol 5:10; Kolo 3:24-25    **6:9** Kolo 3:25; 4:1; Jem 2:1    **6:10** Jon 15:5; 1Kol 16:13    **6:11** 2Kol 10:4; 1Tes 5:8; Yesa 59:17    **6:11** Jem 4:7    **6:12** 1:21; 2:2; 1Bi 5:8-9    **6:13** Lum 13:12    **6:14** Yesa 11:5

é kí enu diɛwɛ kecaw e ɛ ben ɛ suu cin, ejo nce wvu teyey é wvú enu diɛwɛ ketwaa le ɛ ben ɛ jise ɛ ban gvúw yene dvú. <sup>15</sup> Ben enù ɛ ben ɛ seyse keefewci saaka wvù jee wvù too bô nyɛkeey fô bonyii le, é fifin enu diɛwɛ bolaba bo jem e ɛ ben ɛ lese yî bikaa le. <sup>16</sup> Keebise fô, ben eleesè kɛ ɛ è nu fitele yî Klistu le, é fifin enu diɛwɛ nkɛɛ jem e ɛ ben kɛɲke ɛbo. Ɛ nu fi fi ben nu ekoole bomvuun bô wee kebefɛ tfumyi ɛ ɲguy bɛɛnci yî dvú le. <sup>17</sup> Ben ejo tɛn mboyma wvù Nyo' nu ɛ boyse ben é wvú enu diɛwɛ kefo ke jem e ɛ ben ɛ bon, emum ejo tɛn nyo jem yî Keyoy ke Yuule nyaa yî è nu diɛw Nyo'.

<sup>18</sup> Yî fiɛɛ le ficii, é ben ebunleè sekecii bii no Keyoy ke Yuule duɲci. Ben dioo bunlee no biite fiɛɛ ficii fi ben shieele ê Nyo'. Yî fifiɛ le é ben etaalè ntay, ebvuu ekuulè shém sekecii keebunlee lɛke Nyo' fô bonyii bô è nu bo Nyo' le bocii. <sup>19</sup> Ben ebunleè tɛn fô me le lɛ seke me ɛ ɲake diuw wɛm keenjeme, ɛ Nyo' nya kɛ me bô fiɛɛ fi me njeme, ɛ me no njemyi sɛ nfan ɛkumɛ kenylɛ ke saaka wvù jee wvù wvu Nyo' le. <sup>20</sup> Ɛ nu saaka wvudvu wvun wvù me nu yî ncaw e nje wvú diɛwɛ wee wvù nu jise di Klistu le. Ben ebunleè wvu lɛ me ndioo enu keenjeme, ɛ me njeme no me ɲkɛɲke keenjeme, sɛ nfan.

### *Ngayma*

<sup>21</sup> Tikikus wvù waa bwee wesebeene shém wvù lemte tɛn Tata le bô fitele fiew ficii nu esee fiɛɛ ficii ê ben ɛkumɛ me, wvu lɛ ben tɛn ekiɛɛ no me nu, noo

fiεε fi me engee. <sup>22</sup> Fifin nu naa fiεε fi me ntumte wvú fô ben e nje fí, wvu ε wvú eto ege é ben ekiεε no bese nu, ebvuu eyvuwsε mvuntelem mvunen.

<sup>23</sup> Nyo' Icee wesebeene bô Tata Jisos Klistu enya ben nyεkeey bô kenkeken noo mbee. <sup>24</sup> Nyo' ebuw ben bocii bô kenke kenkeken kè yaa kaa kε fô Tata wesebeene wvù Jisos Klistu le.

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e